

惱作何法事即得雨水調和五穀令得豐熟
人民飽滿

天尊語月光真人曰子受吾教於閻浮之內
或在聚落或在高山或在水岸或在洞穴或
在清淨之處建立壇場安置尊像掛諸幡蓋

燒香然燈香湯沐浴著新淨衣服轉讀此經
廣為衆生設諸花果名香隨時供養廣設齋
饌上獻十方無量天尊三十六天帝君天功

父母及諸神仙一切龍神及諸靈聖作大利
益天帝當遣八部大龍王雲雷兩師興動雲
霧旋遊世間須臾之頃即令江河溪澗上下

田疇令得露澤草木叢林一切花果五穀之
類悉皆生成枝葉茂盛於是月光真人禮謝
元始天尊以偈讚曰

北雲臺雲至 西雲呼嘯來 南注江流水

東方九神靈 中央真龍王 救濟諸衆生

五龍一時下 飄飄太上京 天降開大雨

蔭蓋崑崙山 吾以此經教 永得共興行

爾時月光真人重啓天尊曰我從無量劫來
希見難遇今日得聞微妙經典及大醫王一

切聖衆種種變化不可思議是經當何名之
我等如何受持

天尊曰此經名曰天功護國祈雨消魔經子
好宣傳恭敬頂戴若有愚人輕賤當墮惡道
長夜受苦坐中天人龍梵仙衆皆悉信受作

禮而去稽首奉行

太上護國祈雨消魔經

正一天師清微弟子 洪百堅
道教學術資訊網

太上洞淵北帝天蓬護命消災神呪妙經

元始天尊在香林園內與諸天童子說法演
戒既畢時於座中有一童子名曰廣善越班
而出前進作禮上白

天尊今日侍座得聞明真科律二十四條善
惡因緣受報之因大衆懽喜各生讚歎證無

上乘更無餘滯又蒙開示罪緣拔度齋法救
濟幽魂長夜之苦上昇福堂衣食自然其法

弘普死者咸賴然今見世及來生男女未見
經誠或氣力薄弱不堪受持復無得難多為

世間衆邪惡鬼橫來侵害夭折壽命不終天
年

天尊既開大慈之化生死俱濟存亡荷恩唯
願哀憐更示來生男女防身護命之法令得

免離見世三災九橫五瘟七疰疾病毒氣衆

邪魘題諸厄之難令其性命無有中傷如蒙

哀愍仰荷

聖恩於是

天尊歡喜答曰善哉善哉子之所請亦為至
要吾愍一切衆生如母念子今當為說汝等

諦聽堅持勿忘爾時大眾忻喜一切聽受
 天尊曰往昔過去人民淳朴無有惡心任命
 短長終其天壽無有天枉鬼不橫傷但今來
 時代澆薄人心破壞更相疑惑互為彼此不
 信正法唯有邪行背真向偽不正於道違天
 逆地攻根伐本不忠不孝無慈愍心欺誑萬
 民酷虐百姓殺戮衆生殘害物命結諸冤對
 無量無邊致使今生男女動見患難或為劫
 賊之所傷害或為惡鬼之所加害或官私口
 舌無故滅身或蛇虺虎狼百蟲毒螫之所害
 傷或官死之災無故橫生閉在牢獄鞭杖屠
 刑或復家遭瘟疾身深毒氣大小疾病人口
 死亡六親斷絕骨肉離散諸餘此等蓋緣三
 天悉絕六天悉行人鬼不分邪正未別所以
 有幽囚之氣慘怛之氣邪魅之氣妖淫之氣
 妄侵生人傳成疫癘於是幽囚之氣自一而
 生從地而起一以生二慘怛相仍二以生三
 邪魅攻伐腎衰心耗肺絕肝枯黃雲不凝黑
 白相背六天邪魔故來侵害八部鬼神妄來
 絕滅欲得開度當知六天門名持天蓬大呪

正心定念微妙思惟見諸大神始絕故氣身
 安神泰自此而生門戶興隆自此而致於是
 玉音振發顯說六天宮名
 第一宮名休明總靈洞天宮第二宮名元司
 重正宗靈天宮第三宮名統仙昇靈希苑天
 宮第四宮名正真邵靈苑司天宮第五宮名
 雲棲玉紀明元天宮第六宮名崇靈赤暎雲
 曲天宮如是天宮在北方壬癸之山羅酆之
 境北陰神君總統其上旁列宮室鬼神所司
 內奉六天陰陽綱紀外制六天羅酆幽境實
 功罰罪無失毫分一念正真六宮善開一念
 邪慙六宮惡閉雖是邪氣流行亦自人心所
 召斬滅惡根當須靜心持念六天門名北向
 稽首神靈欽從不敢肆言爾時廣善童子與
 諸大眾聞是說已心大歡喜再進作禮上白
 天尊且等靜悟道緣已經累劫但知奉行道
 念收斂一心下觀人間每念癘疫苦害生人
 顛倒沈迷無有解脫雖切哀愍不知有如是
 因緣如是屬氣肆毒世間今蒙開諭曠劫未
 聞生世種親知有持守知有皈向無違利益

仰戴元恩六天宮名已銘金簡天蓬大呪靜
 念聽受爾時
 天尊瓊顏妙感真念退張善哉廣善大呪因
 緣禁戒甚重吾今相付實因愍念下方開度
 群品若吾金口敷演天地震肅神靈拜迎玉
 律自新入天宮慶於是左顧勅左元真人於
 大有之辰啓紫陽雲錦之笈出是大呪宣付
 法衆廣善童子得受大呪心生踴躍即於座
 中廣聲誦詠呪曰
 天蓬天蓬九元煞童五丁都司高刁北公七
 政八靈太上浩山長顯巨獸手把帝鍾素藥
 三神嚴駕變龍威劍神王斬邪滅蹤紫素素
 天丹霞赫衝吞魔食鬼橫身飲風蒼舌綠齒
 四目老翁天丁力士威而禦凶天賜激戾威
 北街鋒三十萬兵衛我九重劈展千里掃却
 不祥敢有小鬼欲來見狀饜天大斧斬鬼五
 形炎帝烈血北帝然骨四明破骸天獸滅類
 神刀一下萬鬼自潰急急如北帝明威口勅
 律令
 誦呪既已大眾方切讚歎風緣慶幸得遇隱

名俄頃之間東方有諸大神雲霞散綠米空
步虛或持旌節或執戈矛或踏八卦神龜或
持三天火印龍虎翔衛鐘鼓交鳴流光輝煥
徑詣道場作諸法音振響空界旋遶道前再
拜懇請且等味道清虛稟生震地陽剛受任

純精結形名號天蓬上輔

玉帝分司梵境下臨衆淵整隊元皇總制六
天惟以賊毒爲專何緣今日紅光滿空照耀
廣宇飛揚隱字下及小臣所部之域巨等驚
怖未省所因是以尋光上詣願求開釋

天尊肯首趨徐而答善哉大將陰陽結氣男
女媧精有生道有死道有人道有鬼道生則
成人死則成鬼生死殊途性理惟一蓋因造
作報應不同吾與諸天童子演說成禁科要
論次生死因緣見諸世間六天浸毒邪氣流
行正道不生邪念永結淪沈吉海流滾愛河
一神所虧百邪使尅五神顛倒三官閉塞五
帝不遵塵埃靈宅取肉不生魂神考責疾病
纏綿痛毒難忍是可悲衷推心憫惻惟汝諸
神輔衛社帝威能伏衆威能傷邪立地安天

有大功德是以泄萬劫之禁宜付真諱告諸
童子流傳世間永令持誦假汝威德下降衆
賢降伏衆魔消蕩妖邪掃諸穢毒保令清肅
汝今都從既到道場更當付囑世間男女淫
慾纏縛殺害拘囚妄想貪生愛惡自賊殊不

知妄從真出具自妄移一妄既生萬劫縱孽
吾今委付汝當分別攝邪歸正用正降邪凡
諸世間若有善男子善女人遭陽九百六之
災三衰八難九橫五苦之厄精邪毒氣疫癘
屯缺誦大神呪汝當奉聲赴感救度乘危使
致康寧保終天年輔道行化是時廣善童子
仰聞

天等付囑至重即於塵中再拜而起敷白四
衆天蓬大將親奉
慈願神念敷陳威德廣備有是神力能度衆
生我等同聞實深慶幸若人恭請而說頌曰
稽首皈命天蓬將 推碎群魔大力神
嚴駕靈龍降道場 赫弄威光動天地
二十八宿明星主 三十六部大神王
手持神劍斬妖邪 掌握寶印戮精魅

鑿斧劈破諸地獄 帝鐘搖振徹天宮
飛雷掣電走風雲 巨天甲卒持戈戟
南斗火官除毒害 社帝水神滅災殃
降伏六天大鬼王 掃蕩十方諸疫氣
忿怒日月失精光 呼吸山河皆鼎沸

紫氣乘天下徘徊 三十萬兵盡加備
爾時說頌既畢天樂玄音空中自振蕊花散
香無量數衆與天蓬大將都從威神各各稽
首大道几前同聲讚詠慈雲廣布惠澤遐宣
誓願流傳化度群品作禮奉辭而退

太上洞淵北帝天蓬護命消災神呪妙經